

INUIT ATAQATIGIIT

Inatsisartuni



UKA 2017/135
19. okt. 2017
Bendt B. Kristiansen

Pillugu: Kalaallit Nunaata pigisaanik aningaaserivimmik pilersitsinerup iluaqtissartai aammalu aporfissarisinnaasaasa misissorneqarnissaanik, ilanngullugu pilersitsinerup suut piumaqaatitariumaagai, soorlu aningaasartuutissat aammalu sulisussat pillugit Naalakkersuisut peqquneqassasut inatsisartut aalajangiiffigisassaattut siunnersuut.
(Inatsisartunut ilaasortaq Anthon Frederiksen)

Inuiaqatigiit aningaasaatitta nunap iluani kaavitittuarnissaat erniortissinnaajuarnissaallu inatsisiliortutut qulakkeerniagassarivarput.

Nunarput maanna aningaaserivimmik piginneqataareerpoq, tassa Grønlandsbanken-mi aktianik 8,38% piginneqataagami, taassuma saniatigut Nuna Fonden 13,89%-mik piginneqataassuteqartoq, taamaalilluta tamakkiisuunngikkaluarmik nunarput aningaaserivimmik piginneqataavoq.

Tunngaviatigulli isumaqataavugut nunatta namminerisamik pigisaanik aningaaserivimmik pilersitsiniassagaluarutta iluaqtissartaasa aammalu aporfissartaasa suunerinik qulaajaanissamut. Ukiummi makku atorpavut siunissami namminersulivissinnaanermut suliniarluta, taamaattumik aningaasat kaaviiartitatta siunissami sapinngisaq tamaat nunap iluani kaaviiarsinnaajuarnissaannik aqutissiorniartariaqarpugut.

Qulaajagassat arlaqassapput, aningaasaqarnermi sunniutigiumaagassat, inatsisiliornikkut suliassat, pingaartumik aningaasarsiornermi ingerlatsineq naalagaaffiup ataani inissisimammat, assersuutitut sillimmasiisarnermut aningaaseriveqarnermullu tunngasut qallunaat nunaanni aningaasatigut nakkutilliveqarfimmit (Finanstilsynet) nakkutigisaapput immikkullu inatsiseqarlutik.

Siunnersuut taperserlutigu aappasaanneerpeqartinnagu Aningaasaqarnermut Akileraartarnermullu ataatsimiititaliamut suliassanngortillugu ingerlateqqipparput.